

臨證醫案筆記

臨證醫案筆記目錄

第三卷

頭痛

心腹諸痛

心痛
胸痛

胃脘痛
腹痛

脇痛

腰痛

疝氣

眩暈

腳氣

淋濁

遺溺

臨證醫案筆記卷之三

如臯吳 麓渭泉著

男 丙輝燮堂
恩照臥齋 泰校
後學曹炳章赤電校刊

頭痛

方伯富竹泉久病頭痛每發必吐清水脉虛細緩右關沉滑此脾濕多痰中氣虛寒故頭痛而吐清水宜服六君子加當歸川芎炮薑熟附以益氣溫中兼燥濕痰

海廉訪左半邊頭痛多年發必腦後牽痛頭目昏運診脉虛浮弦係清陽不升風熱乘虛上攻因氣血不足所以微感則發按丹溪曰偏頭風有痰者多左屬風屬火多血虛右屬痰屬熱多氣虛此血虛而兼風火宜服元珠茶調散加甘菊花以熱在至高之分當以輕劑抑之也

小川芎

一兩

陳細芽茶

薄荷

各三錢

白芷

五錢

荆芥穗

四錢

黃芩

一兩半酒拌炒三次不可令焦

甘菊花

三錢

右為細末每服三錢用清茶調下

長燦垣明府述久患頭痛風藥血藥痰藥遍嘗無效余曰方書多分頭痛頭風為二門然其痛一也淺而近者名頭痛深而遠者名頭風今按脉浮弦此遠年頭風也宜服芎藭丸原文云治偏正頭風鼻流臭涕服他藥不效者服此決效嗣知其連服三料竟不復發

川芎

硃砂

水飛

石膏

研

麥冬

各四兩

人參

茯苓

甘草

炙

細辛

各四兩

犀角

鎊

梔子

各一兩

片腦

五錢

阿膠

炒兩半

右為末蜜丸彈子大每服一九食後茶送

馬東江大尹時疫病後忽患頭風時發時止如偶然觸怒則兩太陽亦作痛診脉浮弦數此內挾痰涎風火鬱遏經絡氣血壅滯所致遂用二陳湯加柴胡川芎當歸炒山梔石菖蒲以開鬱滯痰疎散而愈

南元查也白頭痛目眩眼見黑色惡心煩悶胸滿脇脹按右關沉滑係飲食不節脾胃內傷痰與氣逆雍於膈中虛風內作頭上氣不得暢而為痛也宜投半夏天麻白朮湯按東垣曰太陰頭痛必有痰也

潘久病頭痛遇風吹陰寒則痛達勞後動作亦痛脉遲細弱是皆陽虛陰盛中氣不足故陽虛頭痛也當服補中益氣湯加製附子蔓荊子以升達陽氣

余頭頂作痛服風藥解散不效反心煩熱渴頭腦振振痛而兼脹余曰脉洪數大此陽明胃火盛於頭面而直達頭維是火邪頭痛非外感症也即服白虎湯加麥冬生地木通以抑其至高之勢切勿再用升散風藥蓋外邪之火可散而去內鬱之火得升而愈熾矣

金稟質素弱時覺頭痛氣促脉虛弦數乃腎水真陰虧損虛火上炎則煩熱火動故陰虛頭痛也宜投八仙長壽丸加人參以壯水益氣不治痛而痛自己

顧 偏頭痛已年餘遇風寒則頭目俱疼時發時愈診脉浮數係風濕挾熱上壅頭目偏頭痛者少陽相火在側偏熱故也宗東垣用清空膏諸般頭痛治之皆效

丁 頭風年深不愈發必害眼目昏鼻塞按脉浮弦急乃肝虛血燥風熱上攻頭目而然經所謂東風生於春病在肝俞目者肝之竅肝風動則邪害空竅也宜用菊花茶調散以清頭目去風痰

蔣 久病頭痛發則惡心嘔吐胸滿脇脹氣粗多痰診脉浮數滑係酒食過度痰滯膈中風痰相結上衝於頭致成痰厥頭痛當服二陳湯加川芎桂枝蔓荊子服數帖小效更以半夏天麻白朮湯而愈

松氏 脉浮弦緊乃外挾風寒內成壅熱上攻頭腦下注目睛皆由心肝氣鬱濕痰阻滯以致眉稜骨痛也宜用選奇湯加川芎甘菊香附山梔半夏

防風

羌活

黃芩

酒炒

甘草

川芎

甘菊花

製香附

炒山梔

製半夏

加荷葉蒂細芽茶葉水煎服

京師龍泉寺叢林余常往養靜每見往來僧人患頭痛苦者甚眾皆緣遊方奔走脫帽露頂衣服單薄感受風寒致成痼疾因眾僧醫藥不便開經驗簡易方配成致送令病者外治一方不效再易試之嗣據知客僧云諸方用之無不見效

附外治頭痛簡易方

硝石散 治風邪犯腦患頭痛不可忍不問年歲

硝石

人中白

等分 冰片 少許

右為細末用一字吹入鼻中

治偏正頭痛 用生蘿蔔汁加冰片少許仰臥注兩鼻孔數年之患一注而愈

治頭痛方 用大蒜一顆去皮研取汁令病人仰臥以銅筋點少許滴鼻中急令搐入腦眼中

淚出而瘥

透頂散 治偏正頭風夾腦風並一切頭風不問年深近日

細辛

表白者 三莖

瓜蒂 七個

丁香

三粒

糯米

七粒

腦子

麝香

各一豆許

右將腦麝另研極細却將前四味亦另研細末然後並研令勻用磁罐盛之謹閉罐口用時隨左右搐之一大豆許良久出涎則安

治八般頭風方

草烏

細辛

等分

黃丹

少許

右為末用葶管搐入鼻中

治偏頭風方

草麻子

五錢 去壳

大棗

十五枚 去核

共搗研如泥塗綿紙上用筋一隻捲之去筋納鼻中良久取下清涕即止

止痛太陽丹

天南星

川芎

等分

右為末同蓮鬚葱白搗爛作餅貼太陽痛處

秘方貼頭風熱病

大黃

朴硝

等分

右為末用井底泥捏作餅貼兩太陽穴頭風皆

屬寒此獨為熱不可不備

治偏腦疼 將新瓦片打做圓片五六塊要茶盅口大小在炭火內燒紅淬在陳醋內一兩次用絹包裹熨太陽穴片冷再換第二塊五六片熨完用帕扎住避風雨三日永不復發

如聖散 治眼目偏痛頭風

麻黃

燒灰八錢

盆硝

二錢半

麝香

腦子

各少許

右為細末搗之

上清散 治頭痛眉骨痛眼痛不可忍者

川芎

鬱金

芍藥

荊芥穗

芒硝

各五錢

片腦

五分

薄荷葉

一錢

右為細末每用一字鼻內搗之 一方有乳香沒藥各五分

治頭內如蟲蛀響

此名天白蟻

用茶子末吹鼻中此奇病不可不知

頭痛諸劑

青空膏 治正偏頭痛年深不愈及風濕熱上癰頭目及腦苦痛不止

黃芩

黃連

羌活

防風

柴胡

川芎

甘草

為末每服三錢茶調如膏白湯送下

菊花茶調散

甘菊

僵蚕

各三錢

薄荷

八錢

川芎

荊芥

各四錢

防風

錢半

細辛

一錢

羌活

白芷

甘草

各三錢

右為細末每服三錢茶

調下

六君子湯

八仙長壽丸

俱見中風

白虎湯

二陳湯

俱見傷寒

補中益氣湯

見暑症

半夏天麻湯

見眩運

心腹諸痛

心痛 胃脘痛 胸痛 腹痛

道長周靜溪左寸虛數乃心虛血少耗傷神氣火鬱已絡故心痛煩熱也宜服養心湯以補心養血泄心熱而安心神則煩痛自已

太史黃東瑤心氣驟痛口渴便秘忽增忽減脉虛滑數係勞心過度火邪熱鬱痰涎壅滯是以胃脘熱痛也宜投清中湯以清膈上邪熱內經曰胃脘當心而痛者即此時人以此為心痛不知心不可痛也若病真心痛者必手足冷至節爪甲青不可治矣

黃連

炒山梔

陳皮

茯苓

熟半夏

草豆蔻

炙甘草

水二鍾薑三片煎八分食前服

脾厥心痛

金 脉虛遲澹乃脾土陽虛寒犯中焦以致心腹脹痛肢冷氣塞而成脾厥心痛也當投香砂

六君子加良薑草豆蔻以甘溫辛香宣通使寒散氣順則痛脹自已

侍御曹定軒心胃氣痛發時頭眩心悸惡心嘔吐胸脇脹滿診脉遲沉細係脾胃虛寒不能健運痰飲停滯胸膈所致宜用六君子湯加益智仁附子乾薑以益氣溫中除痰大凡痰飲變

心腹
痛

生諸症當以治飲為先飲消則諸疾自愈

方氏心腹絞痛膨脹喘急按左關弦滑右脉遲細乃肝鬱氣滯痰涎結聚故虛冷上氣而然也
當用四七湯加延胡索以溫中解鬱其痛自止

胃脘
痛

汪薰亭閣學胃脘氣疼遭涼遇勞即痛連胸腹時吐清水脉弱遲細係陽衰氣怯氣血虛寒不能營養心脾所以觸冒不時之寒邪則氣凝而作痛宜進附子理中湯以溫中益氣服之甚效嗣用人參兩半焦乾薑七錢煉蜜為丸桐子大隨身常嚼而愈

胃氣
痛

汪稼門制軍述職回閩道經東流云久患胃氣疼痛屢發屢治終難除根聞有一種千層紙散者曰千層紙未散者曰千層菓菓尤良產於雲南頗不易得此藥專治胃疼年若干歲即服若干層一服而愈又有一種烏蘭草用三錢桂圓肉十個同煎服立止肝胃氣疼止須兩服永遠不發烏蘭草出產關東各藥鋪中無此物惟人參行內偶有之曾見此藥試用效否倘不可購有治心胃疼痛良方望開惠之余曰大凡年老氣血虛寒不能營養心脾最多心胃腹痛若思慮傷神勞損酒血者亦有此病遂為開簡易數方以備擇服因有千層紙烏蘭草二藥故筆之以廣見聞

胃脘
痛

萬廉山刺史以善醫自負好食蟹而不善飲因食後畏其性寒服附子理中湯溫之詎胃脘作痛煩躁口渴大小便秘自以為蟹之為患余曰按蟹不過寒胃動風今診脉洪大症見火

咸皆緣誤服薑附燥熱之藥熱傷胸膈中焦燥實使然非蟹患也即投涼膈散推蕩其中使熱邪下行而膈自清次日病勢更增詢知方有硝黃憚未敢服予云症係火邪蘊結壅熱在膈非涼瀉不解既畏前方竟單用大黃丸以藕汁送下五錢且藕能解蟹毒又緩大黃之猛烈遂服二次即得大瀉而安

胃痛

柴女

右關沉遲而小是客寒犯胃食停氣滯以致胃脘痛脹惡心嘔吐宜服厚朴溫中湯以辛熱甘溫和胃止痛

胃痛

呂氏

胃脘刺痛嘔惡脹滿舌胎黃厚關脈弦滑係氣逆食滯痰阻胸膈所致當服排氣飲如山查半夏茯苓使氣順胸寬則痛脹自除

胸痛

程

心胃氣疼發則熱氣上冲不得轉側常喜太息痛即稍緩診脉數弦勁乃暴怒傷肝氣逆脹滿蓋肝虛則胸痛引背脇肝實則胸痛不得轉側方書云胸痛即脇痛其與心痛別者心痛在歧骨陷處胸痛則橫滿胸間也其與胃脘痛別者胃脘在心之下胸痛在心之上也今按痛處正在胸間宜服解肝煎加枳殼香附霍香以疎肝順氣

胸痛

史

久患胸中脹疼發必嘔吐痰涎痞噎噎氣按脉虛弦滑係中氣不足胃氣不和濁痰上逆氣滯作痛也當投代赭旋覆湯加益智仁陳皮茯苓以軟堅鎮逆而補胃弱

祥脉浮滑不勻乃痰食停滯胸膈故惡心嘔吐胸脇膨悶漉漉有聲也當用二陳湯加白芥

子石菖蒲薑汁以降氣化痰

景 胸膈痛甚連及脇背藥不能納到口即吐予曰脉弦沉滑由於過食肥甘厚味痰食積滯上焦氣逆不通所致藥既不納即用蘿蔔子搗碎以溫湯和攪徐徐飲之因就其勢探而吐之服後吐出積痰甚多痛亦大減繼以加味二陳湯和胃調氣而愈

簡易方

神香散 治胸脇胃脘氣逆疼痛難解嘔噦脹滿痰飲噎膈諸藥不效者服此最妙

丁香

白豆蔻

或砂仁亦可

二味等分為末清湯調下五七分甚者一錢日數服不拘若寒氣作痛者薑湯送下

兵部手集方 治久心痛十年五年者隨手效用小蒜以嚴醋煮熟頓服此後再不發

食療方 治五臟冷痛心腹痛以胡椒二十一粒搗碎熱酒服之

肘後方 治心腹俱脹痛短氣欲死或已絕者用官桂三兩切碎以水一升二合煮八合去渣

頓服無桂用薑亦可

一胸膈胃脘大痛察有邪滯服諸藥全不見效者但用牙皂角以微火燒煙甫盡即取起為末

用燒酒調送七八分或一錢許其效如神亦余試效者

一胃脘當心而痛或氣或寒觸而屢發者用荔枝核燒微焦每荔枝核一錢加木香七分共為

末以清湯下一錢許數服可以除根屢試神效者

治脾痛三方歌

腹脹脾疼怎抵當椒薑之外有丁香三般等分羅為末調入白鹽與白湯

水磨為藥治脾疼每服須教一盞濃一片陳皮一蘇葉再煎濃服有神功

心與脾疼有妙方良薑切碎等檳榔兩般同炒研為末米飲同調服亦良

給諫劉恭軒小腹痛脹時疼時止脉沉遲小此肝腎陰虧下虛挾寒而然蓋寒則凝滯凝滯則

氣逆氣逆則痛脹俱生也當服煖肝煎去茴香加熟地以補陰調氣溫中逐寒

侍御楊靜菴少腹連綿隱痛大便不實精神日衰不能耐勞余曰脉弱遲澀乃真陰精血虧損

下部虛寒元陽不足是以神疲氣怯痛徐而緩莫得其處也宜用右歸丸去當歸加補骨脂

吳茱萸肉豆蔻常服則不惟痛泄可止而神氣亦自強矣

腹痛廣

偶食過飽及稍食涼物即腹痛脹滿按右關沉滑係酒食生冷過度致傷脾胃且臍以上

陰寒腹痛

明據云欲後受寒少腹疼痛異常余曰脉沉遲細因事後中寒以致陰寒氣滯而痛極者即

外用葱薑搗爛炒熱或燒熱磚熨其臍腹以解其寒極凝滯之氣內服附子理陰煎以溫補

陰分托散寒邪而愈

腹痛武

臍腹痛脹服行氣消食之藥不效余診脉沉遲細此命火陽衰肝腎陰寒所致且當臍痛

熱痛大邪

者乃少陰腎之部位與氣食何涉宜乎無功當服八味地黃湯外用蒸臍之法可冀漸痊

清飲如山梔黃芩為藥以行氣導滯泄熱

蓄血腹痛

胡失血後小腹脹痛煩熱便秘診脉弦牢大此瘀血留滯於下臟結秘溢則津液不得通氣

血不得行故腹痛脹滿也宜服元戎四物湯直達瘀所而行之使血行便通則痛自止凡治心復痛症古云痛隨利減又曰通則不痛是也

當歸

熟地黃

川芎

白芍

煨大黃

桃仁各等分

水煎溫服

虫積腹痛

鐵述每食後即腹痛痛止又能飲食痛無定處時作時止惡心嘔吐綠水視其面色黃瘦而

唇則紅余曰凡腹痛脉當沉弱今脉反洪者由於口腹不節過食水果膩物濕熱傷脾致生

蟲積上攻胸腹而作痛也即用掃蟲煎加乾薑先逐其蟲則痛自己然後溫養脾胃以杜其

源

青皮

小茴香

檳榔

烏藥

細樞肉

吳茱萸

烏梅

甘草

硃砂

雄黃

細末

將前八味用水一鍾半煎八分去渣隨入後二味再煎三四沸攪勻徐徐服之

宗室相國祿迪園云其夫人小腹常疼每緣患慮勞碌即胸膈脹滿痛連脇肋嘔逆吞酸服疎肝行氣之藥日甚一日余曰脉虛沉遲由於食寒飲冷致傷脾胃久則營衛虛寒不能營養心脾肝腎故遇憂勞及受寒氣而發痛脹者皆氣虛血寒所致也宜進附子理中湯加吳茱萸芍藥以潤肝燥脾溫中解鬱而痛自已遂服數帖甚效嗣用歸脾湯大營煎煖肝煎相間服之而安

腹痛

觀氏臍腹腰膝時痛受涼則胸脇筋骨俱疼脉沉遲弱乃氣血虛寒不能營養經絡致經遲血

少而作痛當用大營煎加熟附以補陰逐寒則諸痛自止

腹痛

達氏脉虛遲細條營氣不和逆於肉裏氣血虛寒故經脉不行而腹痛也宜用芍藥甘草湯加

歸芍艾葉以散逆和營溫經調氣則血活而痛止蓋稼穡作甘甘者已也曲直作酸酸者甲也甲已化土此仲景妙方也

芍藥

四錢
酒炒

炙甘草

一錢

當歸

三錢

川芎

一錢

艾葉

二錢
炒

加煨薑三錢水煎熱服

腹痛

吳齊氏氣慄疲勞後脫衣遭涼腹脇痛脹胸膈痞悶惡心嘔吐診脉沉弦緊此肝鬱氣滯感冒

寒邪濁氣在上痰涎壅盛氣不宣通所致當用木香順氣湯以溫經散寒調中順氣

木香

草豆蔻

益智

蒼朮

厚朴

青皮

陳皮

半夏

吳茱萸

乾薑

茯苓

澤瀉

升麻

柴胡

當歸

水二鍾煎八分食遠溫服

少司馬沈飴原當編修時出湖北試差其夫人忽患心腹大痛服香蘇飲及四七湯不應延任君視之云此氣血虛寒而心脾鬱結常用歸脾湯加桂附服二劑後病勢轉增又延醫者皆云症屬虛寒溫補為宜余曰體質固弱今寸口弦急而滑是痰食交結遂遵眾用香砂二陳湯兩帖痛即略減而困苦煩悶更甚易以胃苓湯加半夏二錢大黃三錢下黑糞數枚痛減過半仍以前方用大黃四錢下膠痰甚多疼痛始止

心腹痛諸劑

蒸臍法 亦可隨病所在蒸之外科寒症亦能蒸散

丁香

南星

肉桂

乳香

木香

川烏

麝香

大黃

半夏

歸身

冰片

芒硝

山甲

雄黃

蟾蜍

白蔻

右為粗末放麪圈內上用銅皮一片多鑽細眼用艾火炙銅皮上每日十餘次滿三百六十火病除藥味亦可因症加減其藥用燒酒薑汁拌濕解肝煎 治暴怒傷肝氣逆脹滿陰滯等症

陳皮

半夏

厚朴

茯苓

蘇葉

芍藥

砂仁 加薑煎

煖肝煎 治肝腎陰寒小腹疼痛疝氣等症

當歸 枸杞 茯苓 小茴香 烏藥 沉香

肉桂 加生薑水煎溫服

芍藥 枳木 赤芍藥 枳實 陳皮

荷葉湯煮黃耆米粥為丸桐子大米飲或開水送下百餘丸

大營煎 治真陰精血虧損及婦人經遲血少腰膝筋骨疼痛或氣血虛寒心腹疼痛等症

當歸 二錢 熟地 三五錢 杜仲 二錢 牛膝 錢半 肉桂 一二錢

甘草 錢一二

如寒滯在經氣血不能流通筋骨疼痛之甚者必加製附子一二錢方效

六君子湯 香砂六君子湯 附子理中湯

右歸丸 八味地黄丸 俱見中風 二陳湯

附子理陰煎 歸脾湯 俱見傷寒 廓清飲

厚朴溫中湯 俱見腫脹 四七湯 排氣飲 俱見霍亂

胃苓湯 見泄瀉 代諸旋覆湯 見反胃 養心湯 見虛損